## DECLARATION



## DV ROY CONTRE

de Mayenne, Mareschal de Buillon, Marquis de Cœuure, le President le Iay, & tous ceux qui les assissent.

Verifiee en Parlement le treiziesme Feurier 1617.



A PARIS,
Par Fed. Morel, & P. Mettayer,
Imprimeurs ordinaires du Roy.

M. DC. XVII.

Auec prinilege de sa Maiesté.

in the second of the second of the second The state of the s Tube of the control o

Maryant Chine

## SANGER SA

o V I S par la grace de Dieu Roy de France & de Nauarre, A tous presens & à venir, Salut. La bonté & clemece dont nous

auons vsé, & les graces & biens-faicts que nous auons departis à aucuns Princes, Ducs, Pairs de ce Royaume, & autres nos subiects, nous faisoit esperer à bon droict qu'ils se contiendroient dans les bornes du respect & de l'obeissance que naturellement ils nous doiuent : ceux mesmes ausquels nous auions non seulement pardonné les crimes par eux perpetrez, mais aussi augmenté nouuelles faueurs. Ce neatmoins il est arriué que mettans en ar-

riere toutes ces considerations, & oublians leurs promesses faictes aux derniers traictez de Lodun, & Soissons, où ils s'estoiet retirez au mesme temps que nous ordonnasmes faire arrest de la personne de nostre Cousin le Prince de Condé, ils se sont tellement declarez contre nous & nostre estat, par nouuelles ligues & associations dedas & dehors le Royaume, que nous pouuons dire auec verité qu'ils n'ont autre dessein que d'en procurer l'étiere ruine, s'il n'y est par nous promptement pourueu: àce conuiez par l'impunité & profits qu'ils en ont receuz du passé, & l'esperance qu'ils ont encores de tirer à l'aduenir, au lieu de punitions, les mesmes aduantages. Et d'autat que se sont les Ducs de Vendosme, de Mayenne, & Mareschal de Buillon, auec lesquels le Marquis de Cœuure s'est ioinst, qui contre toutes les pro-

testations d'obeyssance, que depuis lesdits traictez de Lodun & Soissons, ils nous auroient faictes & faict faire, de ne se departir iamais de nostre obeissance, & du deuoir naturel, auquel ils nous sont obligez, se sont derechef, à nostre tres-grand regret, nonobstat les exhortations que nous leur auons faict faire par plusieurs persones, d'experimenter plustost derechef les effects de nostre douceur que la force & rigueur de nos armes, se sont de nouueau rejoints, liguez & associez, ou plustost continué en la mesme ligue, faction & association qu'ils auoient euz ensemble au preiudice de nostre seruice auec le Duc de Neuers, lequel nous auons pour pareilles fautes, declaré criminel de leze Majesté: & à commettre toutes sortes d'actions cotraires au deuoir de subiects, & Ossiciers de la Couronne tres-estroictement obligez à leur Roy! ayant ledit Duc de Mayenne en son particulier, non seulement empesché le Lieutenat General, & autres officiers de Soissons mis par fon commandement hors ladite ville pendant le dernier trouble, d'y rentrer, & de force & violence faict oster des mains de nosdits officiers és autres villes où il a auctorité, nos lettres de Declaration contre ledit Duc de Neuers, auec defenses de les faire publier comme il leur estoit par nous ordonné: Mais qui plus est pour couurir sa mauuaise conduite, faict publier qu'on auoit voulu attenter à sa vie : ce que nous ayant escrit, nous aurions pour estre esclarcis de la verité, faict ordonner par nostre Cour de Parlemét, que le procez seroit faict audit Soissons au criminel, & puis apres conduict & amené à nostredite Cour, pour estre puny ainsi que l'e-

normité du crime le requeroit, ce qu'il a empesché d'estre executé, voyant que ledit criminel ne persistoit en son accusation, ains au contraire recognoissoit en presence de tous les Officiers auoir esté induict à faire ceste accusation par aucuns de sa part: de sorte qu'il a esté cotrainct pour empescher qu'on en eust la conoissance faire garder par aucuns de ses gens, les Archers que nostredite Coury auoit enuoyez pour le leur amener, afin que ne voyas les Officiers du Presidial à leur retour, ils ne les peussent informer comme le tout s'estoit passé: & tous ensemble au preiudice de nos defenses si estroictement & solemnellement publices, faict faire leuces & amas de gens de guerre, & iceux deparris és villes & places dont nous leur auons confié la garde, faict & font iournellement trauailler par coruees aux fortifications

d'icelles grand nombre de nos pauures subiects, arrestent & prennent nos deniers dans les coffres de nos receptes, & s'efforçent de tout leur pouuoir à desbaucher & aliener de nous, par consequent de leur deuoir, les Capitaines & Gouuerneurs de nos villes & chasteaux, aydez & assistez à telles violences, & mespris de nostre authorité, par les aduis & conseils de Me.

Cour de Parlement. Ce que nous aurions patienté & dissimulé iusques à
ce qu'ils se soient assemblez en armes,
& iettez à la campagne, à la ruine &
foule de nos pauures subjects: de sorte qu'ils nous forçent contre nostre
naturel benin & doux, à faire proceder contre eux par voyes deuës & legitimes, afin d'empescher par vn iuste
chastiment la continuation de tels
crimes: autrement nous en serions responsables

sponsables deuant Dieu, lequel a mis la Iustice & la force entre les mains des souucrains pour s'opposer à telles violences; & empescher la ruine des peuples sur lesquels il les a establis. Pour ces causes, Sçauoir faisons, Qu'apres auoir fait mettre cet affaire en deliberation en nostre Conseil, où estoient la Royne nostre treshonoree Dame & mere, aucuns Princes de nostre sang; autres Princes; Ducs, Pairs, Officiers de nostre Couronne,& principaux seigneurs de nostredict Conseil De l'aduis d'iceluy Nous auons dict & declaré, disons & déclarons par ces presentes signées de nostre main lesdicts Ducs de Vendosme, de Mayenne, Mareschal de Buillon, Marquis de Cœuure, & President le lay, & tous autres qui les assistent ou assisteront en leur desobeissance, adherent ou adhereront à leurs

desseins, decheuz de tous honneurs, dignitez, estats, offices, pouuoirs, gouuernemens, charges, pensions, priuilèges & prerogatives qu'ils vont de nous ou des Roys nos predecesseurs, & les auons reuoquez & reuoquons des apresent. Declarant lesdicts Ducs, Mareschal, Marquis & President, & tous leurs adherans, desobeissans, rebelles, perturbateurs du repos public, & criminels de leze Majesté, & dom+ me tels voulons qu'il soit procedé cotre eux stant en leurs personnes que biens, memoire & posterité : Ensemi ble contre tous ceux qui les assisteront ou fauorisepont directement ou indirectementh Mandons à tous Gouuerneurs & Lieutenans generaux de nos Provinces, Capitaines, chefs & conducteurs de nos gens de guerre, de leur courir sus: Erà tous nos officiers, Maires, Consuls & Escheuins

de nos villes, de le saisir de leurs personnes s'ils se trouvent en icelles, pour les mettre en nos mains, & les poursuiure par toutes voyes & rigueurs de nos Ordonnances faictes sur semblables crimes: sauf neantmoins sidans quinze iours apres la publication qui sera faicte des presentes en nostre Cour de Parlement, lesdits Ducs de Vendosme, de Mayenne, Mareschal de Buillon, Marquis de Cœuure, & President le lay, ne recognoissent leur faute: ne nous viennent trouuer pour s'aquiter effectuellement & personnellement entre nos mains de ce qui est de leur deuoir en nostre endroit, & nefont retirer & sortir hors nostre Royaume les estrangers qu'ils yont faict venir, licencier tous les gens de guerre qui ont esté leuez, & oster les garnisons establies par eux ou leurs adherans, sans ordre ny

Bij

commission de nous. Et pour le regard des Gentils-hommes, & autres nos subiects, si dans ledit temps ils ne se presentent aux sieges de nos Bailliages & Seneschausses au ressort desquels ils font leur residence pour en faire declaration & protestation enregistrée aux Gresses d'iceux, & ne se deportent entierement de toutes actions & entreprises preiudiciables à nostreauthorite & seruice, & à nostre Ordonnance, Declarations & defenses. Auquel cas lesdits Ducs, Mareschal, Marquis & President, & tous autres qui les auront assistez, demeureront exempts & deschargez des peines portées ey dessus : & seront receuz en nostre bonne grace. Si donnons en mandementà nos amez& feaux Conseillers, les gens tenant nos Cours de Parlement, Baillifs, Seneschaux ou leurs Lieutenans: & à tous autres nos

Iusticiers & Officiers qu'il appartiendra chacun endroict soy, que ces presentes ils registrent ou facet registrer, garder & obseruer selon leur forme & & teneur: Età nos Procureurs generaux desdites Cours, faire toutes poursuittes & diligences pour l'execution d'icelles: & faire punir & chastier tous ceux qui y contreuiendront. Car tel est nostre plaisir. En telmoin dequoy nous auons faict mettre nostre seel à cesdites presentes. Donné à Paris, au mois de Feurier, l'an de grace mil six cens dixsept, Et de nostre regne le septiesme. Signé, LOVIS, & plus bas, Par le Roy. DE Lomenie. Età costé, Visa, & seellee sur lacs de soye rouge & verte de cire verte.

Leuës, publiées & registrees, ouy & ce requerant le Procureur general du Roy, & ordonné que coppies collationnées seront ennoyées aux Bailliages & Seneschausses de ce ressort pour y estre leuës, publices & registrees à la diligence des Substituds du Procureur General du Roy: ausquels enioinet la Cour d'en faire les diligences & certifier au mois, à peine d'en respondre en leur nom. A
Paris en Parlement, le treiziesme Feurier, mil six cens dix-sept.

Signé, DV TILLET.

erenach e dinam sym ill sabb

12 11

3

. Marinos

94 G . 5 4 . 6 2 . 6

07207

Carried and the state of the state of

Te - 1 

